



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KT 0200440 25
Sarajevo, 30.06.2025. godine

HITNO-PRITVOR

KANTONALNI SUD U SARAJEVU
Sudiji za prethodno saslušanje
SARAJEVO

Na osnovu člana 45. stav 2. tačke i) i člana 241. stav 1. ZKP FBiH, **p o d i ž e m:**

O P T U Ź N I C U

Protiv:

AMAZOSKI ARNEL, rođen 2001. godine, ima prijavljeno prebivalište u ulici, završena osnovna škola, bez zanimanja i zaposlenja, neoženjen, bez djece, po izjavi lošeg imovinskog stanja, po narodnosti Bošnjak, državljanin BiH, JMB, **osuđivan i to: Presudom** Općinskog suda u Sarajevu broj 65 0 K 963000 22 K od 10.10.2022. godine pravomoćna dana 05.12.2022. godine, za krivično djelo Nasilničko ponašanje iz člana 362 stav 2 u vezi stava 1 KZ F BiH na kaznu zatvora u tranju od 8 mjeseci, **nalazi se u pritvoru po Rješenju Kantonalnog suda u Sarajevu od 04.03.2025. godine, a koja mjera pritvora je produžena Rješenjem Kantonalnog suda u Sarajevu od 01.04.2025. godine, a potom i Rješenjem Kantonalnog suda u Sarajevu od 27.05.2025. godine i može trajati do 27.07.2025. godine, ili do druge odluke suda**

Što je:

Dana 02.03.2025. godine, oko 19,00 sati, u ulici Ljubovići, općina Hadžići, na autobuskom stajalištu Gornji Zovik, svjestan da upotrebom oštrog predmeta- noža, može prouzrokovati smrt drugog lica, te da može drugog lako tjelesno povrijediti, što je i htio, nakon što su S.T. i H.T. izašli iz motornog vozila marke Volkswagen, model Golf, reg .oznaka, kojim je upravljaao S.T., na autobusko stajalište Gornji Zovik, prišao S.T. noseći u desnoj ruci oštri predmet- nož, sa dužinom oštrice oko 12 cm, te u namjeri da usmrti S.T., oštricu noža zario u grudni koš S.T., nanijevši mu tešku tjelesnu povredu opasnu po život, u vidu ubodne rane lijeve strane grudnog koša, nakon čega je oštri predmet- nož izvadio iz grudnog koša S.T., da bi potom, a nakon što mu je prišao H.T., i uhvatio ga za ruku u kojoj je držao nož, pokušavajući zajedno sa S.T. da mu uzme nož iz ruku, Amazoski Arnel se počeo otimati i trzati, kojom prilikom je upotrebom oštrog predmeta - noža H.T. nanio lake tjelesne povrede u vidu rezne rane malog prsta desne šake i ubodne rane unutrašnje bočne strane lijeve natkoljenice

Dakle, drugog pokušao usmrtiti, i drugog lako tjelesno povrijedio

Čime bi počinio krivično djelo Ubistvo iz člana 166. stav 1. KZ F BiH u vezi sa članom 28. KZ F BiH i krivično djelo Laka tjelesna povreda iz člana 173. stav 1. KZ F BiH a sve u vezi sa članom 54. istog Zakona,

PRIJEDLOG ZA PRODUŽENJE PRITVORA

Predlažem da se prema osumnjičenom Amazoski Arnelu u smislu odredbe člana 151. stav 1. i člana 242. stav 3. ZKP FBiH, nakon potvrđivanja optužnice produži pritvor, obzirom da još uvijek stoje razlozi iz kojih je pritvor i određen, odnosno iz osnova člana 146. stav 1. tačka c) ZKP FBiH.

KANTONALNI TUŽILAC